



Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
**Općinsko vijeće**

Na osnovu člana 20.stav 2. Statuta Općine Breza („Službeni glasnik Općine Breza“, broj 8/09 – Prečišćeni tekst), Općinsko vijeće Breza na sjednici održanoj dana 30.06.2010.godine, donijelo je

## **ETIČKI KODEKS VIJEĆNIKA U OPĆINSKOM VIJEĆU BREZA**

### **DIO PRVI. OPĆE ODREDBE**

#### **Član 1. (Predmet)**

Predmet ovog Kodeksa su osnovni etički principi i standardi ponašanja koji se očekuju od izabranih zvaničnika u obavljanju njihovih dužnosti, a koje građani s pravom mogu očekivati od vijećnika u Općinskom vijeću Breza (u daljem tekstu: izabranih vijećnika) i propisivanje postupka i ponašanja koji predstavljaju nekorektno i nedolično ponašanje prema drugim vijećnicima, učesnicima i prisutnima na sjednici Općinskog vijeća, kao i onih postupaka i ponašanja koja predstavljaju ometanje normalnog rada na sjednici, a sve u cilju jačanja povjerenja javnosti, ličnog i političkog integriteta i autoriteta Općinskog vijeća u funkciji općeg interesa.

#### **Član 2. (Cilj Kodeksa)**

Cilj Kodeksa je da etičke obaveze i standardi ponašanja izabranih vijećnika, definisani ovim Kodeksom, doprinesu da izabrani predstavnici organa odlučivanja obavljaju dužnost savjesno i odgovorno u najboljem interesu svih građana u Općini, uz otvorenost i spremnost da odgovaraju javnosti za svoje odluke, te da se građani upoznaju sa standardima ponašanja koje s pravom mogu očekivati od njihovih izabranih vijećnika.

#### **Član 3. (Pojam izabrani vijećnik)**

Pojam „izabrani vijećnik“ se odnosi na svakog vijećnika koji ima mandat u Općinskom vijeću Breza.

**DIO DRUGI. PRIMJENA ETIČKOG KODEKSA****Član 4.  
(Primjena)**

Ovaj Kodeks se odnosi na ponašanja izabranih vijećnika u vršenju dužnosti u okviru mandata, kao i u izbornoj kampanji.

**Član 5.  
(Obavljanje dužnosti)**

Prilikom obavljanja svojih dužnosti, izabrani vijećnik će iste obavljati savjesno i odgovorno, u općem interesu i interesu svih građana u Općini, uz otvorenost i spremnost da odgovara javnosti za svoje odluke, postupke i ponašanja.

**DIO TREĆI. OPŠTI ETIČKI PRINCIPI****Član 6.  
(Načela)**

Izabrani vijećnik ima obavezu da u cilju jačanja povjerenja javnosti u integritet Vijeća, obavlja svoje dužnosti u Općinskom vijeću i prema javnosti u cjelini, uz poštivanje principa:

- a) zakonitosti,
- b) javnosti,
- c) objektivnosti,
- d) efikasnosti i tačnosti,
- e) otvorenosti prema biračima,
- f) pravilnog upravljanja resursima,
- g) uzajamnog poštovanja i uvažavanja,
- h) izbjegavanje sukoba interesa,
- i) zabrana korupcije.

**Član 7.  
(Zakonitost)**

Izabrani vijećnik se, u obavljanju dužnosti, mora pridržavati Ustava, zakona, Statuta Općine Breza, Poslovnika o radu Općinskog vijeća i Etičkog kodeksa.

**Član 8.  
(Javnost)**

Izabrani vijećnik će u obavljanju svojih dužnosti djelovati isključivo u javnom odnosno općem interesu, a ne u ličnom, niti u interesu pojedinaca illi grupa pojedinaca radi postizanja direktne ili indirektne koristi i zalagat će se za ljudska prava i slobode, ravnopravnost naroda i građana.

**Član 9.  
(Objektivnost)**

Prilikom obavljanja svojih dužnosti, kao i prilikom javnih imenovanja, dodjele ugovora ili davanja preporuka za nagrade i beneficije, izabrani vijećnici treba da izaberu, odnosno predlože kandidate prema njihovim kvalitetima i sposobnostima.

**Član 10.**  
**(Efikasnost i tačnost)**

1) Izabrani vijećnik mora u svom radu osigurati efikasno i blagovremeno obavljanje aktivnosti, te i na taj način doprinijeti unapređenju radnog procesa, odnosno obavljanju povjerenih dužnosti.

2) Izabrani vijećnik je dužan osigurati tačne informacije za zaposlenike i javnost i dužan ih je na razumljiv način objaviti.

**Član 11.**  
**(Otvorenosti prema biračima)**

Izabrani vijećnik je dužan javnosti na najprikladniji način osigurati sve informacije vezane za izborni proces, kao i informacije u vezi s odlukama i radnjama koje poduzimaju, uz spremnost da se javnosti objasne razlozi zbog kojih su donijeli određene odluke, uz ograničenje davanja informacija samo u slučajevima kada je to zakonom propisano.

**Član 12.**  
**(Pravilno upravljanje resursima)**

Izabrani vijećnik će, s najvećom pažnjom i osjećajem vlastite odgovornosti, usmjeriti svoje ponašanje i odluke koje se odnose na finansijska sredstva i upravljanje imovinom Općine, izričito u skladu sa propisima i općim interesima, na ekonomičan način, isključujući njihovo korištenje u privatne svrhe.

**Član 13.**  
**(Uzajamno poštovanje i uvažavanje)**

U međusobnoj komunikaciji, kao i komunikaciji sa drugim osobama i sa javnošću, izabrani vijećnik će u svakom slučaju istupiti sa uvažavanjem i poštovanjem, izbjegavajući korištenje izraza koji mogu vrijeđati ili omalovažavati druge osobe ili grupe, na taj način poštujući jednaka prava svih u pogledu političkog opredjeljenja nacije, vjere, spola i drugo.

**Član 14.**  
**(Izbjegavanje sukoba interesa)**

1) Izabrani vijećnik će se prilikom obavljanja svojih dužnosti u svakom slučaju pridržavati odredbi Zakona o sukobu interesa i drugih propisa koji uređuju nespojivost funkcija izabranog predstavnika sa funkcijom ili položajem koji obavlja. U svim slučajevima nastupanja sukoba interesa ili nespojivosti funkcija, izabrani vijećnik će u najkraćem mogućem roku prijaviti takav slučaj i odstupiti sa pozicije.

2) Izabrani vijećnik će u svakom slučaju tokom vijećničke rasprave prijaviti slučaj sukoba interesa, ako se razmatra određeni akt koji treba da bude usvojen i po kome bi on, ili lice iz njegovog privatnog okruženja, ili pravni subjekt u kome ima finansijski ili drugi interes, trebalo da ostvari kakvu korist ili privilegiju i prilikom odlučivanja će se izuzeti od izjašnjavanja.

3) Izabrani vijećnik će se uredno pridržavati zahtjeva za prijavu podataka ili davanje informacija o funkcijama koje zauzima, zanimanju i promjenama u njegovoj imovini.

**Član 15.**  
**(Zabrana korupcije)**

Izabrani vijećnik će se u obavljanju svoje dužnosti suzdržavati od bilo kakvog ponašanja koje bi se prema važećem domaćem ili međunarodnom krivičnom zakonodavstvu moglo okarakterisati kao korupcija.

**DIO ČETVRTI. UGLED OPĆINSKOG VIJEĆA****Član 16.****(Ponašanje izabranih vijećnika)**

1) Izabrani vijećnik će poštovati sve etičke principe i standarde ponašanja koje Općinsko vijeće propiše i koji proizilaze iz opće prihvaćenih standarda parlamentarnog rada.

2) Izabrani vijećnik će svojim ponašanjem uvijek štiti ugled Općinskog vijeća Breza.

3) Izabrani vijećnik naročito:

- ne smije upotrebljavati neprimjerene riječi, izraze i njihove sinonime, koji vrijeđaju ljudsku čast i dostojanstvo, kada se govori o konkretnim fizičkim ili pravnim osobama, te u komunikaciji ne smije vršiti obmanjivanje, manipulaciju, samopromociju i neučtivost u vođenju dijaloga,

- u svojim nastupima, govorima, pismenim podnescima i drugim službenim radnjama i nastupima, voditi računa o načelima profesionalne etike i opće kulture, dajući i na taj način pozitivan primjer ponašanja javnosti,

- dužan je pridržavati se zakazanog termina održavanja sjednica Općinskog vijeća i radnih tijela, kao i termina određenog za pauzu,

- dužan je prisustvovati sjednicama Općinskog vijeća i radnih tijela Vijeća čiji je član, ne napuštati zasjedanje prije završetka, a ni tokom trajanja, a da prije toga ne saopšti javno ili predsjedavajućem razlog privremenog ili potpunog napuštanja zasjedanja. Ako je opravdanim razlogom spriječen da prisustvuje sastancima ili sjednicama na koje je uredno i blagovremeno pozvan, predsjedavajućem će saopštiti te razloge, a on će Vijeće ili radno tijelo obavijestiti o razlogu izostanka pozvanog izabranog vijećnika,

- dužan je pažljivo pratiti tok sjednice ili sastanka i uzdržavati se od radnji kojima se ometa tok sjednice ili sastanka kao što su: korištenje mobitela, interneta, napuštanje sjednice, čitanje novina, dovikivanje, dobacivanje ili druge radnje kojima se prekida drugi sugovornik, podsmješljiv i podrugljiv ton, a posebno kada se daje replika na izlaganje drugog,

- dužan je tokom rasprave da se usmjeri na temu o kojoj se raspravlja,

- dužan je poštovati predsjedavajućeg Općinskog vijeća i predsjedavajućeg radnog tijela da usmjeri raspravu na tačke dnevnog reda sjednice Općinskog vijeća, odnosno radnog tijela,

- pri obavljanju funkcije na sjednicama i sastancima, treba biti prikladno i uredno odjeven,

- bez opravdanog razloga ne izostajati sa javnih manifestacija ili javnih skupova na koje je uredno i blagovremeno pozvan u svojstvu izabranog vijećnika. O razlozima eventualnog izostanka blagovremeno će obavijestiti organizatora manifestacije ili skupa,

- dužan je da svoje ponašanje usmjeri u skladu sa javnim interesom, da izbjegava konflikte i da jača povjerenje javnosti prema državnim institucijama,

- tokom obavljanja svojih dužnosti neće podsticati na mržnju, netoleranciju i nasilje i osudiće svako ponašanje kojim se isto podstiče.

**DIO PETI. ODNOSI SA JAVNOŠĆU,  
MEDIJIMA I SA ZAPOSLENIMA U OPĆINI****Član 17.****(Odnosi sa javnošću)**

- 1) Izabrani vijećnici odgovorni su prema svim građanima za vrijeme svog mandata.
- 2) Na opravdan zahtjev javnosti, detaljno će obrazložiti razloge za svaku odluku koju donesu i navesti sve faktore, naročito pravila i propise na kojima se odluka zasniva. Ako su te informacije povjerljive, objasniti će razloge njihove povjerljivosti.
- 3) Izabrani vijećnici će s dužnom pažnjom odgovarati na sva pitanja javnosti u vezi s obavljanjem njihovih dužnosti, razlozima za njihove postupke i funkcioniranjem radnih tijela u njihovoj nadležnosti.
- 4) Podsticati će i promovisati svaku mjeru kojom se povećava otvorenost prema javnosti.

**Član 18.****(Odnosi sa medijima)**

- 1) Izabrani vijećnik će iskreno odgovarati na zahtjeve medija za davanje informacija vezanih za obavljanje njihovih dužnosti, ali neće pružiti informacije koje se odnose na privatni život drugih izabranih zvaničnika ili trećeg lica, kao i one koje se odnose na čuvanje službene, poslovne i druge tajne, čija je tajnost utvrđena u skladu sa odredbama Zakona o zaštiti tajnih podataka.
- 2) Prilikom davanja informacija za medije izabrani vijećnik rukovodit će se usvojenim stavovima Općinskog vijeća i radnih tijela u čijem radu je učestvovao, a u slučaju neslaganja sa stavovima radnih tijela ili Vijeća, može javnost upoznati i o vlastitom stavu.
- 3) Izabrani vijećnici ohrabrivat će i podsticati sve mjere koje imaju za cilj unapređenje medijskog praćenja njihovih aktivnosti i odgovornosti pri obavljanju njihovih dužnosti i funkcioniranja institucije za čiji rad su odgovorni.

**Član 19.****(Ponašanje prema zaposlenim u Općini)**

- 1) U obavljanju svoje funkcije izabrani vijećnik uvažavat će ulogu zaposlenih u općinskoj upravi, bez predrasuda u pogledu legitimnog provođenja svoga autoriteta.
- 2) Izabrani vijećnik neće zahtijevati od zaposlenih poduzimanje ili propuštanje bilo kakve radnje, kojima bi sebi omogućio direktnu ili indirektnu osobnu korist ili prednost.
- 3) Izabrani vijećnik će, u obavljanju svoje funkcije, osigurati potpuno ostvarivanje uloge i zadataka zaposlenih u općinskoj upravi.

**DIO ŠESTI. PRESTANAK VRŠENJA DUNOSTI****Član 20.****(Zabrana osiguranja određenih službi i poslova)**

- 1) Prilikom obavljanja svoje dužnosti, izabrani vijećnik neće poduzimati mjere kojima bi sebi osigurao buduće osobne i profesionalne prednosti po prestanku obavljanja funkcije, i to:
  - a) u državnim javnim ili privatnim organima nad kojima je vršio nadzor za vrijeme obavljanja svoje funkcije;

- b) u javnim ili privatnim organima sa kojima je uspostavio ugovorne odnose za vrijeme obavljanja svoje funkcije;
- c) u javnim ili privatnim organima osnovanim za vrijeme njegovog mandata, a na osnovu ovlasti koja mu je povjerena.

## **DIO SEDMI. NADZOR NAD PROVEDBOM KODEKSA**

### **Član 21.**

#### **(Nadzor)**

Nadzor nad provedbom poštivanja Kodeksa, vršit će Odbor za provedbu Kodeksa, koji broji 5 članova, odnosno prema broju zastupljenosti političkih stranaka-partija u Općinskom vijeću Breza, koje imaju najmanje 2 vijećnika u Općinskom vijeću.

Kod imenovanja Odbora za provedbu Kodeksa, Komisija za izbor i imenovanje mora voditi računa o stav 1. ovog člana.

### **Član 22.**

#### **(Pismene prijave)**

1) Prijavu o povredi odredbi Kodeksa može podnijeti predsjedavajući vijeća, zamjenik predsjedavajućeg Općinskog vijeća svaki vijećnik u Općinskom vijeću, Kolegij, predsjedavajući klubova vijećnika, članovi radnih tijela vijeća i građani.

2) Prijave se podnose Odboru za provedbu Kodeksa u pismenom obliku i potpisane, sa dokazima koji potvrđuju oblik kršenja Kodeksa navedenog u prijavi.

3) Nakon provedenog postupka ukoliko se utvrdi postojanje povrede odredaba Kodeksa, izriče se propisana mjera, a ako Odbor za provedbu Kodeksa zaključi da nije bilo povrede odredaba Kodeksa, o tome obavještava podnosioca prijave,

4) Izabrani vijećnici neće sprječavati bilo koju mjeru nadzora, uz uvažavanje izrečene konačne odluke,

5) Odbor za provedbu Kodeksa donosi svoj Poslovnik o radu.

## **DIO OSMI. MJERE ZA KRŠENJE KODEKSA**

### **Član 23.**

#### **(Mjere)**

Mjere za povredu odredaba Kodeksa su:

- a) Pismena opomena;
- b) Novčana kazna;
- c) Javna opomena s objavom u sredstvima informisanja.

### **Član 24.**

#### **(Izricanje mjera)**

1) Za lakše povrede Etičkog kodeksa izriče se pismena opomena, a za teže povrede se izriče novčana kazna i javna opomena s objavom u sredstvima informisanja.

2) Novčana kazna se izriče jednokratno u visini od 30% iznosa mjesečnog paušala vijećnika u Općinskom vijeću.

3) Javna opomena s objavom u sredstvima informisanja izriče se tako što se, nakon njenog izricanja, objavljuje u „Službenom glasniku Općine Breza“ i na web stranici Općine Breza u trajanju od 30 dana.

**Član 25.**  
**(Pravo žalbe)**

Izabrani vijećnik može uložiti žalbu na izrečenu mjeru Odbora, a žalba se podnosi Komisiji za ljudska prava, prigovore, predstavke i prijedloge.

**DIO DEVETI. ZAVRŠNE ODREDBE**

**Član 26.**  
**(Izjava o spremnosti)**

Izabrani vijećnik će, prilikom davanja svečane izjave, potpisati i izjavu kojom izražava spremnost da u svom radu postupi u skladu s odredbama ovog Kodeksa.

Izabrani vijećnik čiji mandat je u toku, izjavu iz prethodnog stava će potpisati odmah nakon stupanja na snagu ovog Kodeksa.

Obaveza je izabranih vijećnika da svojom aktivnošću osiguraju promociju ovog Kodeksa, kako u javnosti, tako i u medijima.

**Član 27.**  
**(Ocjena provođenja Kodeksa)**

Općinsko vijeće najmanje jednom godišnje razmatra i ocjenjuje rad Odbora o pitanjima provođenja Kodeksa.

**Član 28.**  
**(Stupanje na snagu)**

Etički kodeks stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1293/10  
Breza, 30.06.2010

PREDSJEDAVAJUĆI  
Općinskog vijeća  
Vinko Pandža, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Na osnovu člana 6. i 46. stav 1. i 2. Zakona o građevinskom zemljištu FBiH ("Službene novine FBiH", broj 67/05) i člana 19. Tačka 7. Statuta općine Breza ("Službeni glasnik općine Breza", broj 8/09 – Prečišćeni tekst), Općinsko vijeće Breza na sjednici održanoj dana 30.06.2010. godine, d o n o s i

**O D L U K U**  
**o izmjeni Odluke o građevinskom zemljištu**

Član 1.

U Odluci o građevinskom zemljištu ("Službeni glasnik općine Breza", broj 3/04, 6/05, 9/06, 5/07 i 9/07), član 25.stav 2. mijenja se i glasi:

Početna naknada za dodjeljeno gradsko građevinsko zemljište obuhvata:

- a) naknada za zemljište,
- b) naknadu iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnine-renta.

#### Član 2.

Zadužuje se Komisija za Statut i propise da uradi prečišćeni tekst Odluke o građevinskom zemljištu.

#### Član 3.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-1478/10  
Breza, 30.06.2010 godine

PREDSJEDAVAJUĆI:  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu čl. 115 stav 3. Statuta Općine Breza(Službeni glasnik Općine Breza broj : 8/09-Prečišćeni tekst) i člana 19 Odluke o građevinskom zemljištu(„Službeni glasnik Općine Breza“ ,broj 3/04, 6/05, 9/06, 5/07, 9/07), rješavajući po prigovoru Pušina Selme iz Ilijaša protiv zaključka Komisije za sprovođenje konkursa za dodjelu neizgrađenog gradskog građevinskog zemljišta broj: 03/1-4-31-325/10 od 21.05.2010. godine, Općinsko vijeće Breza na sjednici održanoj dana 30.06.2010 godine, donosi.

### R J E Š E N J E

I – Prigovor Pušina Selme iz Ilijaša izjavljen protiv zaključka Komisije za sprovođenje konkursa za dodjelu neizgrađenog gradskog građevinskog zemljišta broj: 03/1-4-31-325/10 od 21.05.2010. godine, **ODBIJA SE KAO NEOSNOVAN.**

### O b r a z l o ž e n j e

Nakon provedenog postupka po Ponovnom konkursu za dodjelu neizgrađenog gradskog građevinskog zemljišta u državnoj svojini u svrhu izgradnje poslovnih objekata putem pribavljanja pismenih ponuda broj 03/1-4-31-325/10, Konkursna komisija donijela je zaključak broj: 03/1-4-31-325/10 od 21.05.2010. godine.

Navedenim zaključkom ponuda Pušina Selme iz Ilijaša, za neizgrađeno gradsko građevinsko zemljište koje se nalazi u ulici Stari most u Brezi koje je označeno kao k.č.br. 668/6 k.o. Smrekovica u površini od 78 m2, odbačena je kao nepotpuna, jer uz prijavu na konkurs nije priložen dokaz o uplati kaucije.



Podnosiocu prigovora navedeni zaključak dostavljen je dana 22.05.2010.godine na koji je ista u zakonom propisanom roku izjavila prigovor.

U prigovoru navodi da je ponudila najbolju ponudu, a da je potvrdu o uplati kaucije komisija imala na uvidu, te da ona ne utiče na visinu ponude.

Prigovor nije osnovan.

Članom 4. Uputstva o provođenju konkursnog postupka za dodjelu neizgrađenog gradskog građevinskog zemljišta u državnom vlasništvu na korištenje radi izgradnje trajnih građevina propisano je da svaka ponuda mora biti kovertirana, potpisana i zatvorena i uz istu se prilaže dokaz o uplaćenju kauciji.

Tačkom V st. 1., 2. i 8. Ponovnog konkursa, propisano je da pravo učešća na konkursu imaju sva pravna i fizička lica uz obavezu uplate kaucije od 10% od početne cijene koja iznosi 1.002,54 KM, da se kaucija uplaćuje na račun Budžeta Općine Breza i dokaz o uplati prilaže se uz prijavu na konkurs, te da je krajnji rok za podnošenje prijava 20.05.2010.godine do 12,00 sati.

Uvidom u zapisnik o radu komisije od 20.05.2010. godine, utvrđeno je da je Pušina Selma uz prijavu na konkurs priložila samo fotokopiju LK broj 06BPB5723 izdata od MUP KS Ilijaš.

Uvidom u naprijed navedeni zapisnik, potvrdu o izvršenom plaćanju kaucije po Ponovnom konkursu broj 03/1-4-31-352/10, koja je izdata od INTESA SANPAOLO BANKE d.d. Bosna i Hercegovina i službeni zabilješku od 20.05.2010. godine utvrđeno je da je uplata kaucije u iznosu od 1.002,54 KM na ime uplatioca Pušina Selme izvršena 20.05.2010.godine u 13,02 sati, te da je Nalog za uplatu kaucije po navedenom konkursu dostavljen u Službu za prostorno uređenje, zaštitu okoliša, geodetske i imovinsko-pravne poslove na ruke višeg samostalnog referenta za imovinsko-pravne poslove dana 20.05.2010. godine u 13,15 sati.

Kako iz naprijed navedenog proizilazi da je uplata kaucije po navedenom konkursu izvršena nakon isteka roka za podnošenje prijava na Ponovni konkurs, Općinsko vijeće Breza odbilo je prigovor kao neosnovan.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici, u roku od 30 dana od dana prijema rješenja.

Tužba se podnosi u dva istovjetna primjerka, uz koje se prilaže i ovo rješenje.

Broj: 01/1-02-1481/10  
Breza, 30.06.2010

PREDSJEDAVAJUĆI  
Općinskog vijeća  
Vinko Pandža, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Na osnovu člana 6. i 44. Zakona o građevinskom zemljištu FBiH ("Službene novine FBiH", broj 67/05), i člana 19 Statuta Općine Breza (Službeni glasnik Općine Breza broj 8/09-

Prečišćeni tekst ), te člana 5. Odluke o građevinskom zemljištu ("Službeni glasnik općine Breza", broj: 3/04, 6/05, 9/06, 5/07, i 9/07), Općinsko vijeće Breza na sjednici održanoj 30.06.2010. godine, donosi

## RJEŠENJE

1. **Tirić Akifu sinu Atifa** iz Breze, dodjeljuje se na korištenje radi građenja, neizgrađeno gradsko građevinsko zemljište, označeno kao:

- k.č.br. 477/5 upisano u zk.ul.br. 2778 k.o. Breza (s.p.), što odgovara k.č.br. 923/2 k.o. Breza, ukupne površine 25 m<sup>2</sup> u svrhu izgradnje poslovnog objekta.

2. Naknada za dodijeljeno gradsko građevinsko zemljište iz tačke 1. ovog rješenja utvrđuje se u iznosu od 2.565,00 KM.

Navedeni iznos naknade Tirić Akif dužan je uplatiti u roku od 15 dana od dana prijema ovog rješenja na račun Budžet općine Breza

- broj: 3389002211034209, koji se vodi kod Uni Credit Bank - vrsta prihoda: 721231, šifra Općine 016.

3. Ukoliko dođe do povećanja korisne površine objekta, naknada za uvećani dio – renta će se platiti po ponuđenoj cijeni iz konkursa, a koja će biti utvrđena u postupku izdavanja odobrenja za građenje.

4. Po pravosnažnosti ovog rješenja i regulisanja naknade iz tačke 2. ovog rješenja Zemljišnoknjižni ured Općinskog suda u Visokom izvršit će uknjižbu prava korištenja radi građenja, na zemljištu iz tačke 1. ovog rješenja u korist Tirić Akifa sina Atifa iz Breze, sa dijelom 1/1.

5. Nositelj prava korištenja zemljišta radi građenja gubi pravo korištenja zemljišta, ako u roku od jedne godine od pravosnažnosti rješenja o dodjeli zemljišta na korištenje radi građenja ne podnese zahtjev za izdavanje odobrenja za građenje, odnosno ako u roku od jedne godine od izdavanja odobrenja za građenje ne izvede pretežan dio radova na građevini tj. izgradnju sa prvom nadzemnom stropnom konstrukcijom.

6. Ostala prava i obaveze između Općine Breza i korisnika zemljišta iz tačke 1. dispozitiva rješenja regulisat će se posebnim ugovorom.

## Obrazloženje

Na konkurs za dodjelu neizgrađenog gradskog građevinskog zemljišta državne svojine, u svrhu gradnje poslovnog objekta u ul. Alije Izetbegovića, prijavio se Tirić Akif iz Breze, sa ponudom za dodjelu neizgrađenog gradskog građevinskog zemljišta opisanog u tački 1. dispozitiva ovog rješenja, u ukupnom iznosu od 2.565,00 KM.

Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje, nakon provedenog konkursa je utvrdila da je Tirić Akif od ukupno dvije punovažne ponude, ponudio najveću naknadu, te je konkursna komisija predložila da Općinsko vijeće Breza navedenom ponuđaču dodijeli predmetno zemljište na korištenje radi građenja.

U provedenom konkursu planirana korisna površina objekta iznosi 20 m<sup>2</sup>, a u dijelu konkursa koji se odnosi na naknade predviđeno je da ukoliko dođe do povećanja korisne površine objekta naknada – renta će se platiti po ponuđenoj naknadi iz konkursa a koja će biti utvrđena u postupku izdavanja odobrenja za građenje.

Odredbom člana 49. stav 1. Zakona o građevinskom zemljištu FBiH je propisano, a što je navedeno i u konkursu, da investitor gubi pravo korištenja zemljišta radi građenja ako u roku od jedne godine od dana pravosnažnosti rješenja ne podnese zahtjev da mu se izda odobrenje za građenje ili ako u roku od jedne godine od dana izdavanja odobrenja ne izvede

pretežan dio radova na građevini.

Na osnovu naprijed izloženog, a shodno članu 25. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku općine Breza".

Broj: 01/1- 02- 1480/10  
Breza, 30.06.2010

**PREDSJEDAVAJUĆI:**  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-1514/10  
Breza, 30.06.2010godine

Na osnovu člana 115. stav 3. Statuta Općine Breza ("Službeni glasnik Općine Breza", broj 10/07 i 5/08), prilikom razmatranja Programa utroška sredstava sa kriterijima raspodjele „Subvencije za razvoj poljoprivrede“, utvrđenih Budžetom Općine Breza za 2010. godinu, Općinsko vijeće Breza na sjednici održanoj dana 30.06.2010 godine, donosi

## **Z A K L J U Č A K**

### **I**

DAJE SE SAGLASNOST na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Breza za 2010.godinu.

### **II**

Ovaj Zaključak stupa na snagu osmog dana od dana objavljivanja u „Službenom glasniku Općine Breza“.

DOSTAVLJENO:  
1x Općinski načelnik,  
1x Služba za privredu,finan.i opću upravu.  
1x 01/1,  
1x Arhiva.

**PREDSJEDAVAJUĆI**  
Općinskog vijeća  
Vinko Pandža,s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-1428/10  
Breza, 30.06.2010.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 10/07 i 5/08), prilikom razmatranja Izvještaja o radu Skupštine JP „Komunalno“ d.o.o. Breza za 2009 godinu, Općinsko vijeće Breza na sjednici održanoj dana 30.06.2010 godine, donosi

## **ZAKLJUČAK**

### **I**

USVAJA SE Izvještaj o radu Skupštine JP „Komunalno“ d.o.o. Breza za 2009 godinu.

### **II**

Ovaj Zaključak objaviti u „Službenom glasniku Općine Breza“.

**DOSTAVLJENO:**

1x Skupštija JP „komunalno „ d.o.o. Breza.  
1x J.P. „Komunalno „ d.o.o. Breza  
1x Nadzornom odboru JP“ Komunalno d.o.o. Breza  
1x 01/1,  
1x Arhiva.

**PREDSJEDAVAJUĆI**

Općinskog vijeća  
Vinko Pandža,s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj:01/1-1479/10  
Breza,30.06.2010.godine

Na osnovu člana 115. stav 3. A u vezi sa članom 101 stav 3. Statuta Općine Breza ("Službeni glasnik općine Breza", broj 8/09-Prečišćeni tekst), Općinsko vijeće Breza na sjednici održanoj 30.06.2010. godine, d o n o s i

## **ZAKLJUČAK**

### **I**

Prostor u Kulturnom centru (bivša zgrada Kina „Sretno“, bivši prostor kuglane) površine 135,86 m<sup>2</sup> dodjeljuje se na korištenje i čuvanje NVO ORB „Brezanski rudari“, na period od dvije godine, bez naknade.

**II**

Način korištenja prostora iz tačke I ovog zaključka prava i obaveze budućeg korisnika regulisat će se posebnim ugovorom, koji će se zaključiti nakon registracije udruženja ORB-„Brezanski rudari“ kod nadležnog suda.

**III**

Za realizaciju Zaključka zadužuje se Općinski načelnik.

**IV**

Ovaj zaključak stupa na snagu osmog dana od dana objavljivanja u „Službenom glasniku općine Breza“

Dostavljeno:

1. Općinski načelnik,
2. Služba za prostorno uređenje,
3. 01/1,
4. NVO ORB „Brezanski rudari“
5. a/a.

PREDSJEDAVAJUĆI:

Općinskog vijeća  
Vinko Pandža, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02- 1529 /10  
Breza, 30.06.2010godine

Na osnovu člana 115. stav 3. Statuta Općine Breza ("Službeni glasnik Općine Breza", broj.8/09-Prečišćeni tekst), u okviru vijećničkih pitanja vijećnik Sulejman Mamela pokrenuo je inicijativu za kolektivni odlazak u Memorijalni centar Potočari –Srebrenica, Općinsko vijeće Breza na sjednici održanoj 30.06.2010 godine d o n o s i

**Z A K L J U Č A K****I**

**PODRŽAVA SE INICIJATIVA** za odlazak u Memorijalni centar Potočari-Srebrenica.

**II**

Ovaj Zaključak objaviti u „Službenom glasniku Općine Breza“.

DOSTAVLJENO:

- 1x Općinski načelnik,  
1x Predsjedavajući Općinskog vijeća  
1x 01/1,

PREDSJEDAVAJUĆI

Općinskog vijeća  
Vinko Pandža, s.r.

---

---

1x Arhiva.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
**Općinsko vijeće**

Broj: 01/1-05-1291/10  
Breza, 27.05.2010.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Programa održavanja privredno, kulturne i sportske manifestacije „Bazenijada 2010“.godine, Općinsko vijeće Breza na sjednici održanoj dana 27.05.2010. godine, donosi

## **ZAKLJUČAK**

### **I**

**USVAJA SE** Program održavanja privredno, kulturne i sportske manifestacije „Bazenijada 2010“. godine.

### **II**

Za vrijeme održavanja „Bazenijade 2010“ da se obezbjedi prisustvo sanitarnog inspektora u cilju zaštite zdravlja ljudi u saradnji sa Javnom ustanovom Dom zdravlja Breza.

### **III**

Za realizaciju zaključka zadužuje se Općinski načelnik.

### **IV**

Ovaj zaključak stupa na snagu osmog dana od dana objavljivanja u „Službenom glasniku Općine Breza.

Dostavljeno:

1x Općinski načelnik,  
1x Dom zdravlja Breza,  
1x Služba za privredu, finansije i opć.upr.  
1x 01/1,  
1x a/a

**PREDSJEDAVAJUĆI**  
Općinskog vijeća  
Vinko Pandža, s.r.

## S A D R Ź A J

- 134. Etički kodeks vijećnika u Općinskom vijeću Breza.
- 140. Odluka o izmjeni Odluke o građevinskom zemljištu.
- 141. Rješenje o odbijanju prigovora Pušina Selme iz Ilijaša.
- 143. Rješenje o dodjeli gradskog građevinskog zemljišta  
Tirić Akifu iz Breze u površini od 25 m<sup>2</sup>.
- 144. Zaključak za saglasnost na Program utroška sredstava sa kriterijima  
raspodjele sredstava „Subvencije za razvoj poljoprivrede“ utvrdjenih  
Budžetom Općine Breza za 2010.godinu.
- 145. Zaključak o usvajanju Izvještaja o radu Skupštine JP „Komunalno“  
d.o.o. Breza za 2009.godinu.
- 145. Zaključak o dodjeli na korištenje i čuvanje bivšeg prostora kuglane  
NVO ORB „Brezanski rudari“.
- 146. Zaključak o podržavanju inicijative za odlazak u Memorijalni centar  
u Potočare-Srebrenica.
- 147. Zaključak o održavanju privredno,kulturno,sportske manifestacije  
„Bazenijada 2010“. godine.



fax: 786-031.